

Date – 22/04/2025

Time - 7:30 -7:40Hrs

REGIONAL NEWS BULLETIN

HEADLINES (MORNING)

- 1. Mizoram sorkar chuan thawh hnihna atan sawhthing a lei tan.**
- 2. Mizo Academy of Letters Book of the Year 2024 atan Hun Inher Kara Zofate tih F. Vanlalrochana ziah chu thlan a ni.**
- 3. Prime Minister Narendra Modia chuan welfare scheme kaltlangin sawrkar inrelbawlina tha siam a pawimawh hle a ti.**
- 4. US Vice President JD Vance chuan nizan khan New Delhi-ah Prime Minister Narendra Modia a hmu.**

<><><>

GINGER

Mizoram sorkar chuan thawh hnihna atan sawhthing a lei tan a.

Mizoram Agricultural Marketing Board Managing Director, Pu Lalhmingmuana chuan Akashvani zawhna chhangin, a thawh hnihna atana sawhthing an lei dan tur chu a thawh khatna nen a inang lo tih sawiin tun tumah chuan ruahmanna awmze nei zawka kalpui an tum a ti a, Mizoram pumah sawhthing dahna tur, secondary collection centre 62 an siam tih sawiin, heng atang hian vawi leh khata an lei huk tawh dawn lova, sawhthing lei thawh khatna a an la lei ve lohna khua te an ngaipawimawh dawn tih a sawi a ni.

MAMB Managing Director chuan Marketing board chuan Mizoram sorkar sum tam tak hum zawnga sawhthing lei an tum tih sawiin, tun dinhmunah sawhthing leikhawm sa te chu man to zawka hralh vek an tum a ti a, Tun dinhmunah India-ah sawhthing man a san loh avangin Mizoram chu hmun hla leh kalpawh harsa a nih avangin sawhthing lei tur ten an pan hnahnun ber a nih thin avangin sawhthing man chu a sang thei lo tih a sawi bawk.

Pu Lalhmingmuana chuan kumin February ni 20 atanga vawiin thlengin Mizoram pumah loneitu 8820 te sawhthing thar chhuah quintal sing 7, sang 2, 460 lei sak tawh anga chhinchhiah a ni a ti a, a thawh hnihnah hian sawhthing quintal nuai 2 dawn lei hmabak an la nei nia an hriat thu a sawi bawk .

Hetihlai hian Akashvani chuan sawhthing thartu loneitu thenkhatte a biak pawhna ah Serchhip District-a Zote South khaw mi, Pu H Lalrintluanga chuan Mizoram sorkarin sawhthing a leisak dan chu thingtlanga loneitute tan buaithlak thu a sawi a, sawhthing lei thawh hnihna hunah hian sawhthing lin a hun leh tawh avangin cho hman pawh an awm tawh rih lo tih a sawi.

Pu H Lalrintluanga chuan Sorkar in February ni 20-a sawhthing lei runpui a neih bak chu a chawlh tak vang vang avang leh a chawlh chhungin sawhthing chawh khawl a phal si loh avangin nakum lama sawhthing chin tumte leh sawhthing a eizawng tak takte tan buaithlak thu sawiin, Mizoram sorkarin sawhthing a lei dan chu thingtlang lonei mite tan a lungawi thlak loh a tih thu a sawi a ni.

<><><>

MIGOSTU PROTEST

Mizoram sawrkar sikul zirtirtu inzawmkhawm chuan sawrkar laka an lungawilohna lantir nan an hnathawhna hmunah "Badge dum" an bel a.

Mizoram sawrkar school zirtirtu inzawmkhawm chuan sawrkar hmasa in zirna hrang hrang dinhmun sang zawka a hlankai te tuna sawrkarin dan siamthat ngai leh fello chhuanlama a paih chu provincialised status-ah dah let phutin, nimin April ni 21 atanga Zirtawpni, April ni 25 thleng khian an hnathawhna hmunah badge dum an bel vek dawn a, Mizoram Govt. School Teachers Union (MIGOSTU) chuan sawrkar hmasa in dinhmun sang zawka zirna in a hlankaina provincialised status chu tun sawrkar Cabinet thukhawmin a hnawl bakah High School leh Middle School Headmaster kum tam tak lo thawk te zirtirtu pangaia an tlak theihna tur an rawn telh thar an ti a, heng Cabinet meeting in a rel te chu a rang thei ang bera ngaihtuah that leh ni se an duh tih sawiin Provincialised status ah dah let an duh tih an sawi.

MIGOSTU chuan a tehfung an hmanna ah thingtlang leh khawpui inang renga an siam chu diklo an tih thu sawiin, thingtlanga school te tan kaisan ve theihna a awm tawh dawnlo nia an hriat avangin dan thar an siam chu sut leh vat turin an phut tih an sawi bawk.

MIGOSTU Secretary Pu J. Lalvarliana chuan Akashvani zawhna chhangin, lungawi lohna lantir chungchangah hian thuneitute lam atangin engmah inbiakrem tumna an la dawng lo tih a sawi a, ZPM chhung inkhawmnah Education Minister Dr Vanlalhlana chuan an lungawi lohna an lantir dodal zawng hian thu a sawi nia sawiin, MIGOSTU chuan lungawi loh lantirna hi kaltlangpui an tum thu a sawi bawk.

<><><>

SUPPLY PR

Mizoram Sawrkar Food, Civil Supplies & Consumer Affairs Department chuan ration buhfai sem tan a nih thu a sawi a, buhfai sem tlai chhan hi sorkar laipui atanga a sem dan phung tih danglam vang a ni a ti.

Supply Dept tarlan danin, thla tina Ration semna tur hian Software 3 hman thin a ni a, tuna Central Sawrkar project kalpuiah hian heng Software 3 te hi hlawm khata siam tum a ni - SMART-PDS ti a vuah a ni tawh dawn a, hei hi peihfel hleihtheih a nih loh avang leh a tlai zel avangin a hmaa buhfai sem

nana an hman thin software chu hmang leh lawkin tunah hian sem lawilawk a ni leh ta phawt a ni.



MAL BOOK OF THE YEAR

Mizo Academy of Letters Book of the Year 2024 atan Hun Inher Kara Zofate tih F. Vanlalrochana ziah chu thlan a ni.

Mizo Academy of Letters chuan nikum 2024 chhunga Mizotawng a lehkhabu chhuak 215 zinga lehkhabu tha ber, Book of the Year 2024 atan Pu F. Vanlalrochana ziah ‘Hun Inher Kara Zofate’ tih chu vawiin khan a thlang a, Book of the Year 2024 lawmman hi naktip, April ni 23 khian I&PR Auditorium-a MAL Foundation Day lawmnaah hlan a ni ang.

MAL hian kum 2024 chhunga Mizotawng lehkhabu chhuak 215 atanga tha zual, top 20, top 10 leh top 3-Hun Inher Kara Zofate - F. Vanlalrochana, Ka Hringnun Leikhaphek (An Autobiography)- Lalfak Zuala leh Par Har 2-Diktei Hnamte te chu a lo thlang chhuak tawh bawk a ni.



KHAWZAWL MSACS

Khawzawla District Education Office leh Mizoram State AIDS Control Society bultumin ruihtheih thil leh mipat hmeichhiat hman khawloh laka fihlim tura inzirtirna atan Festival Sports on Drug Abuse, Safe Sex, HIV/AIDS and STI tih chu nimin atang khan huaihawt a ni a, Khawzawl DC Pu K. Vanlalthiana chuan Sports festival hi a hawng a ni.

He hunah hian zirlai naupang te leh kalkhawm te'n invawng thianghlim tura rinna thutiam an la a, he hunah hian Khawzawl district-a sikul hrang hrang zirlai te leh zirtirtu te an kal khawm a, District Education Office thawktute an tel a, Festival Sports on Drug Abuse, Safe Sex, HIV/AIDS and STI hi nimin atanga ni 24 thleng atan duan a ni a, inelna hrang hrangah Khawzawl district-a high school leh higher secondary school te an tel kim vek dawn a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



PM CIVIL @ SERVANTS DAY

Prime Minister Narendra Modia chuan welfare scheme kaltlangin sawrkar inrelbawlna tha siam a pawimawh hle a ti. Nimina New Delhi-a Civil Services Day vawi 17-na a hmanpuinaah he thu hi sawiin PM Modia chuan khawvel harsatna thleng mekah civil servant-te an bengvar a ngai tih a sawi a. Khawvelin eitur, tui leh energy lama harsatna chu chona lian tak a tling chho mek a ni a ti bawk.

He hunah hian Prime Minister Modia hian Excellence in Public Administration award semin Holistic Development of Districts, Aspirational Blocks Programme, leh Innovation ah te award hi sem a ni.



US VP

US Vice President JD Vance chuan nizan khan New Delhi-ah Prime Minister Narendra Modia a hmu a. Hruaitu pahnihte hian India-US insumdawn tawwna kawngah mipuite hamthatna tura hmasawwna pawimawh tak tak a awm chu lawmawm antih thu an sawi a. Prime Minister Modia chuan February thlaa Washington D.C a flawh tuma a thil tawnte sawiin President Trump-a nen inbiakna hlawhtling tak an neih thu a sawi a. India leh US thawhdunna kawngah hmathlir tha tak siam anih thu a sawi bawk a ni.

US Vice President JD Vance hian ni li cham turin nimin khan New Delhi a lo thleng a. A nupui Usha Vance leh sawrkar mi paiwmawhten an rawn tawiawm a. A cham chhungin Akshardham Temple a flawh ang a, vawiina hian Jaipur flawhin naktukah Agra a flawh leh dawn a ni.



HEALTH

Union Health Minister Jagat Prakash Nadda chuan thin hriselna ngai pawimawh tur leh hunbi neia endik thin turin a chah a. Nimina Union Health Ministry-in Liver Health Pledge Ceremony New Delhi-a a buatsaihah he thu hi sawiin Pu Nadda chuan nunphung hrisel neih a pawimawh thu a sawi bawk a ni.

